



**Gaspar Dei & Apostolicæ Sedis gratia Episcopus
Antuerpiensis, Vniuersis & singulis nostræ Diœcesis
salutem in Domino. Cùm fel. rec. Vrbanvs Papa VIII.
Pontifex Maximus anno Domini M. DC. XLI. pridie ...**

Nemius, Gaspard

[Antverpiæ], [1646]

Gaspar Dei & Apostolicæ Sedis gratia Episcopus Antuerpiensis, Vniuersis &
singulis nostræ Diœcesis salutem in Domino. Cùm fel. rec. Vrbanvs Papa
VIII. Pontifex Maximus anno Domini M. DC. XLI. pridie ...

[urn:nbn:de:hbz:466:1-73784](https://nbn-resolving.org/urn:nbn:de:hbz:466:1-73784)

Incipit Nunciatus in respectu hominum...
Anno 2. Nunciatus Domini...
In die...
...

In die...

M... ..

Tota...

D...

...

...

...

...

...



ASPAR Dei & Apostolicæ Sedis gratia Episcopus Antuerpiensis, Vniuersis & singulis nostræ Diocesis salutem in Domino. Cùm fel. rec. VRBANVS Papa VIII. Pontifex Maximus anno Domini M. DC. XLI. pridie Non. Martij ediderit Bullam, eamque publicari fecerit anno M. DC. XLIII. die XIX. Iunij; cuius titulus est: *Sanctissimi Domini nostri VRBANI Diuinâ Prouidentia Papa VIII. Confirmatio Constitutionum PII Papa V. & GREGORII XIII. prohibentium quasdam Theologorum sententias & opiniones; nec non Prohibitio libri, cui titulus, AVGVSTINVS CORNELII IANSENII, OLIM IPRENSIS EPISCOPI, excusi Louanij typis Jacobi Zegers anno M. DC. XL. aliorumq; Operum ac libellorum, occasione dicti libri variis in locis & variis idiomatibus impressorum.* Quæ Bulla sic incipit: *In eminenti Ecclesia Militantis sede, meritis licet imparibus constituti, sedulo meditamur, &c.* Et idem Sanctissimus Dominus noster, litteris ad nos in formâ Breuis datis anno M. DC. XLIII. die XXIV. Octobris, nobis iniunxerit, vt prædicti Diplomatis sui præscripto qualibet ex parte fieret satis: atque insuper S. D. N. INNOCENTIVS Diuinâ Prouidentia Papa X. per alias litteras, similiter in forma Breuis expeditas die XX. Februarij anno M. DC. XLV. nobis ordinauerit, vt ipsius VRBANI Prædecessoris sui Constitutioni, in nostrâ præsertim Diocesi, congruè obtemperaretur; & impensius mandauerit, vt voluntati suæ nostram quoque adiungeremus: Nos, qui ab initio supradictam Bullam quâ decuit reuerentiâ suscepimus, & conati sumus vt in nostrâ Diocesi eidem perfectè obediretur; considerantes tamen, adhuc aliquos de eiusdem Bullæ veritate & obligatione dubitare, iudicauimus eandem in nostrâ Diocesi iterum publicandam, prout præsentibus publicamus: ac, quatenus opus est, mandamus omnibus nostræ Diocesis Christi-fidelibus, vt supradictæ Constitutioni VRBANI VIII. in omnibus parent & obediant; sub pœnis & censuris in eadem contentis. In quorum fidem has sigilli nostri impressione & Secretarij signaturâ confirmari fecimus. Datum Antuerpiæ die X. Maij M. DC. XLVI.

De mandato Perillustriſ & Reuerendiſſimi Domini præfati

Locus ✠ sigilli.

M. SOMERS Secret.

Infra scriptum erat:

ANno à Natiuitate Domini millesimo sexcentesimo quadagesimo sexto, die verò decimâ quartâ mensis Maij, suprascriptæ litteræ affixæ & publicatæ fuerunt ad valvas Ecclesiarum Cathedralis B. MARIÆ, & Parochialis sanctæ VValburgiæ respectiue Antuerpiensis, per me infra scriptum Notarium Apostolicum

I. Hermans Not.

